

نومبر ۱۰ غورځون
سوله لکي پوښته ايله ۵ ليرا
(اجنبي مملکتلر ايجين ۵ دولار)

اپوه و اعلان ايشلري ايجين استانبول بوروسه
مراجعت ايديليز
يازي ايشلرنيك مرجعي انقره مرکزيدير

حيات

حيات دأما حیات... دنیای دها هر حیات قاتلم...
- نجه -

اداره مرکزی :
انقره ده ، استانبول جاده سنده انقره
معارف امینلکي پاشنده کی داتره

استانبول بوروسی :
استانبول ده ، باب عالی جاده سنده ۸۷ نومبر ده
داره مخصوصه

۲ نجی جلد

انقره ، ۲۳ حزيران ، ۱۹۲۷

صافی : ۳۰

کائناتک اساسنی تبدله سوق ایدهن غریزه ده ،
حيات ده ، اراده ده کوردی . یازیق که باشقه بر
عامل بو جوق درین متفکری دهانی تعریفده
یا کیلتمش ، دهانی ذکاتک انکشافی ظن ایتدیرمشر .
نجه کندینک مریبسی عد ايله دیکی شوپنهاور
فلسفه سنده کی اراده نی پک ای تنور ایتدی .
او ، دهانک اراده ده متمرکز اولدیغنی پک ای
کوردی : « فوق البشر » ، قیمت حکملرینی
دکشدیره بيله جک اراده قهرمانیدر .

یالکز بوقادار دکل ... اک جوق ذهنلری
اشغال ایدهن مسئله لر دن بری « حقیقت » دیدیکمز
فکر و حکملرک ماهیتیدر . ناصیل اولویورده
بعض فکر و حکملری (حقیقت) عدایدیوروز ؟
اسکی یونانیلرک (سوفیست) دهنیلن متفکر .
لرندن اعتباراً بوتون فیلسوفلری ، حتی بالخاصه
صوک زمانده یوکسک عالملری اشغال ایدهن اک
مهم مسئله لر دن بری بودره . صوک عصره کلنجه یه
قادار بوسواله فیلسوفلر آرارلنده کی ایضاح فرقلرینی
قالدیریرسه ق ، ایکی تورلو جواب ویریورلردی .
بری خارجی طالمک ، شائیتک ذهن اوزرینه تاثیر
ایده رک « حقیقت » ک شکل ایتدیکی ، دیگر
ذهنک فطری قانونلری اغانه سیله خارجی تاثیرلری
ترکیب ایدهرک حقیقتی تولید ایلدیکدر . فقط
صوک الی التمش سنده ایچنده « حقیقت » ک ماهیتنی ،
معیارینی بستیون باشقه تورلو ایضاح ایدهن یکی
بر مسلک وجوده کلدی . بومسلکک مدافعی
اولان فیلسوفلره کوره بر فکر ویا حکمی
« حقیقت » یاپان نه تماماً متشکل خارجی
طالمک تاثیری ، نه ده دماغه ، ذهنه خاص بعض
قانونلره اشیانک انطباعلرینک ترکیبدر .
فکر و حکمی حقیقت حاله صوقان اونک تولید
ایلدیکی عمللر ، نتیجه لر ، اطمشانلردر . پراغماتیت

کثیرن ، تقدیر اوپاندیران مزیت ، ذکا دکلدر .
اوتهدنبری انسانلر مختلف طرزده تجلی ایلین
اراده قهرمانلرینی تجیل ایتشلر ، یوکسک بر
ارادی حرکت قارشیسنده هیجان دویمشلردر . اسکی
یونانستانک رواقی فیلسوفلری بو حقیقتی غایت ای
کورمشلردی : مفکوره وی انسان اولارق قبول
ایتدکلری « حکیم » بر اراده قهرمانیدر . بویوک
دین اولیالرنده یوکسک کورولن حال اوتلرک
بو مفکوره اوغرنده عزتلری ، بوخصوصه کی
معنوی قهرمانلقلیدر . ساده جه آنی بر الهام
ایله بر حقیقتی بولیورن بر آدام فرض ایدیکمز .
البته بو آدام ، سنه لرجه معین اصول ايله بر حقیقتی
تحریر ایلین بر طالمک وجدانلرده تولید ایله دیکی
حرمتی اوپاندیراماز . عالمده کوزل و یوکسک
اولان جهت متمادی تحریر عشق و اراده سیدر .
بر عصرک ، بر مدنیتک معنوی دسته کی
اولان فکر و اعتقادلری اک زیاده فلسفی
اثرلرده کورمک قابلدیر . چونکه فیلسوفلر
یاشادقلری مملکتک و زمانک اعتقادینی ،
بارز وصفی ، اک ایی سجه بیلن و بونلر اوزرنده
دوشونه بیلن ذکالردر . صوک عصرک بویوک
فیلسوفلرینک اثرلرینه باقیکز ، ضمنی ویا آجیق
بر طرزده معاصر بشریتک بوخصوصه کی قنا .
عتلرینک ایزینی بولور ، اراده نک بشر ایچون اک
اصلی عنصر اولدیغنی ، حتی ذکاتک ، فعالیتک
واراده نک مولودی بولوندیغنی فکرینی کورور .
سیکز . « قانت » ک اک بویوک مزیتلرندن بری
ونجه اک مهمی اراده نک عقل نظری یه فائیتنی
ادما ايله مسیدر . فیلسوفه کوره عقل عملی
واراده ، دوغروندن دوغروندن عقیده لر ، مفکوره لر
وضع ایدهر . شوپنهاور « قانت » ک اثرنده کی
بواک مهم نقطه یی غایت ایی قاورادی . واونی بوتون



طیاره می لیند بر غک

موفقیتی منا-بتیر

بعضی ملاحظه لر

صوک زمانلرده همان هیچ بر کیسه یه
لیند بر غ قادر شرف و شهرت قازانمق نصیب
اولامشدر . پارسه ایندیکی زمان بیکلرجه خلق
وجد ایچنده اونی آلقیشلادی ، قاج شاعری
بو کنج طیاره جینک جسارتی تهییج ایتدی ،
اوکا « قصیده لر » یازدیله . لوندریه ایندیکی
زمان خلق طیاره نک آلتنده قالمق تهله کسه
رغماً اوزرینه آتیلیمق ایسته دی ، وطنه بویوک
بر قرووازورله دوندی ، امریقا ساحلنده درت
یوز طیاره اونی استقبال ایلدی . بیکلرجه انسان
اونی کورمک ایچون کچه جکی بوللره دوکولدیله .
بو حادثه یی ایکی نقطه نظر دن دوشوندیرمیلدر :
(۱) طیاره جی لیند بر غک بوقادار هیجان دوغوران
موفقیتک اساسی نه در ، طیاره جیده وجد درجه سنده
تقدیر اوپاندیران مزیت هانکیسیدر ؟ (۲)
لیند بر غده کی اراده قدرتی یالکز اونک فردیتنده می
آرامالیدر ، عیجا لیند بر غی تهله کله دولو بر
یوله سوق ایدهن اجتماعی عامل نه در ؟

لیند بر غ ذکاسیله یکی بر کشفده بولونمادی ،
اونده آلقیشلانان مزیت اراده سی ، اراده ده کی
قدرتیدر . ذاتا بشریتی اک جوق وجده ، هیجانه

« Die Vererbung geistiger Eigenschaften unb die psychische konstitution .

مؤلفی : W. Peters

وراثت بحقی ؛ بزم عضویت له علاقه دارد . بز ، بیلورز ، بیلورزی بومهم مسأله ایله مشغول اولوبور . فاقاط چوچوغلک شکلنی تعیین ایدن (داهادوغوسی) ، اوکا شکل ویرن معنوی بر محیط وارد . عائله ، جمعیت ، حقوق تلقیسی ، اقتصادی وضعیت ، کولتور الخ . . فردک معنوی حیاته - کندیته کوره - بر محتوا وبریور .

..

Der Buddhismus

مؤلفی : Paul Dahlke

شوپن هاوهر ؛ بزم بوتون وارلقده حکم سورن قانلی و ظالم « اراده » دن ، اونک مختلف تظاهرلرندن بحث ایدرکن بر قورتولوش بولی کوسته ریور : « نیروانا = سونوش » . بو « نیروانا » عیبا بودیستلکده کی نیروانا میدر ؟ شوپن هاوهر ، بودا (اویانیق) ی تمامیه قاورادینغه قانعدر . بول دالقه ؛ بزم بودیستلک عمومی جرجیوه سنی چیزبور . بودیستلک ؛ « شائیلک » ی « قوتلی بر صورتده یاشامایه » استناد ایدر . او ، شوپن هاوهر ک بدین تلقیسه بکزمه ز . بودایه کوره (دالقه) « علمک واصل اولدوغی نوقطا علمسزلکدر . علم ؛ نیروانا ایله ایلک باشلانغیجه دونه . بودیستلک ؛ دوغرودن دوغرویه بدینلک ده کیلدر . اوداها زیاده شائی عالمک عمومی انکشافی افاده ایدر . بوتون اضطرابلردن قورتولقی امید ی وارد . بوده « نیروانا » در . خرسیتانلق ، مختلف دینی تشکلرده دنیایی بر « اضطراب مرحله سی » تلقی ایدر . نیروانا یه قدار دوام ایدن بول ، فرد « کندیسنی مصفا بر حاله کتیرمک امکائی » نی ویریر . مجازات و مکافات وعد ایدن بر آخرت برینه مجازات و مکافات ؛ حیات شکلنده مندمجر . حیات شکلی ؛ بالذات « اولجه یاییلمش » بر « عمل » ک افاده سیدر . داهای آجیق تعبیرله حیات ؛ جنتنی ، جهنمی برابرند طاشیر . دالقه نک اثرنده ، بزم بودیستلک حقنده چوق یکی وئاسلی کوروشلر ویرن قیمتلی و دهرین تحلیللر وارد .

..

Yohan Heinrich Pestalozzi der Me-
hersch, der Philosoph unb der Erzie-

مؤلفی : فریدریش ده لرفات Fridrich Delekat

بواثر ، بهستالوززینک حیات و فعالیتته داتر نشر ایدیلن یازیلر آراسنده چوق اهمیتلی بر موقع طوتار . مؤلف ؛ بهستالوززینک حیاته قیسه برته تود حصر ایشدر . کتابده اُک زیاده اهمیت ویرلن

شی ؛ یویوک مرینک حقیقی فکرلرینی ، تربیه اصولنی تحلیلدر . بهستالوززینک قاراقتهر اعتباریه کوسته ردیکی تناقضلری بیله نلر ؛ بویله برتحلیلک نه قدار کوچ اولدوغنی قولایجه آکلرلر . بهستالوززی ؛ ده لرفاته کوره بر کولتور فیلوزوفیدر . بوتون بهداغوزیسی ؛ دیندار برقناعته استناد ایدر . بهستالوززینک تفکر دنیاسنده وجدی و میستیک عنصرلر آز ده کیلدر . بواعتبار ایله داغتیق خطلردن تشکل ایدن فکر دنیاسی ، قوتلی بر شخصیت اطرافنده حقیقی برلکنی قازانمش اولور .

..

Ludwig Gumplowicz کلیانی

ناشری ؛ برودفسور Gottfried Salomon

برنجی جلد : دولت نظریه لری تاریخ Geschichte
der Staatstheorien

غوم بلوویچک موده رن اجتماعیاتک انکشافده چوق اهمیتلی بررولی وارد . ویانه لی متفکر ویله لم بهروزالم W. Yerosalem ک اثرلرینی مطالعه ایتدیکنمز وقت ، غوم بلوویچک نه قدار عامل اولدینغنی کورورز . بوکونکی اجتماعیات تلقیلرینی مناقشه ایدرکن غوم بلوویچله تماس کله مک امکائی یوقدر . پروفه - سور صالومون ؛ بواهمیتی اثره چوق کوزل برمدخل یازمشدر . غوم بلوویچ حقنده معلومات صاحبی اولمایانلر بومدخل سایه سنده اثری مشکلاتسز تعقیب ایدر بیلرلر غوم بلوویچ کوره اجتماعیاتک موضوعی ملت ده کیل ، بوتون انسانیت در . جمیلرک منشائی تدقیق ایتک اجتماعیاته عائد بروطفه ده کیلدر .

..

Die religioese Lage der Gegendwart


محرری برودفسور Paul Tillich

کوچوک بر کتاب . فاقاط عمومیتله دینی وضعیت حقنده مجمل بر فکر ویره جک قدار آنتره سان . قلیح عمومی وضعیتی خلاصه ایتدکن صوکر ا کندی فکر- لرینی سویلیور . شیمدیک جمعیت مختلف جریانلری ایله ، مه نافیریق ، تاریخ فلسفه سی ، طریقت تشکللری الخ . . . ساحه لرنده حقیقی بربحران کچیریور . بووضعیت قارشیسنده دینک موقعی نه اولاییلر ؟

دین ؛ شائیلکلرک قدرتی اوکندن قاجیور ، شائیلکلره تماس ایتک ایسته میور . قلیح بوپروبله مک پروتستانلق مه تودیله ، ایلک پروتستانلقده حاکم ذهنیتله حل ایدیله بیله جکی قناعتده در . کتابنده « شائی بر مؤمن » فکری حاکمدر .

دره سدن : ۲۸ مایس ۱۹۲۷

م . نرمی



فرانسز مجموعه لری

لاره دروئویره رسل . - حیران نسخه .

سنده موسیو ژدروم و ژان تارودک « یهودیلرک کوچوک تاریخی » مقاله سی مابعدیلدر . محررلر ، بوراده مسأله مک ماضیسنه چوق کیتیه جکلرینی ساده جه شرقی آوروپاده و بالخاصه فلسطینده موسوی ملنک مروض قالدینی شرائطی وخط حرکتلری آراشدیرد . جکلرینی سویله یورلر . (موسیو پوآنقاره مک مالی تجربه سی) نده امضاسنی آتمایان مقاله صاحبی بر سندن بری فرانسه مک مالی وضعیتی اصلاحه تشب ایدن پوآنقاره مک تجربه سنک حالا دوام ایتدیکنی ، بوکارغما بارا مسأله سنک مطلوب شکلده حل اولنمادیغنی آکلایق ایسته میور . مالی متخصصر بووضعیت قارشییکی یوزمیلیون دولاره بالغ اولاجق برقره دینک مالی جهتی تقویه ایدر جکی ایلری سورمشلردی . مقاله بوخصوصده کی فکرلری چارپیشدیرمقده در . مجموعه مک بزم ایچوک الک علاقه دار صحیفه لرنده (سیورخیرکارمیدر ؟) سؤالنه جواب ویرن مقاله تشکیل ایدیور . موسیو لوسیه ن دوبش سیورک بر تاریخچه سنی چیزبور : ظن ایدیلردی که سیورک دوغدینی بر انکلترده در . بو ، برخطادر . او ، هریرده ودها زیاده تاریخی شرائطک مساعد اولدینغی ساحه لرده دوغمشدر . پروسیه ۱۸۱۱ ده یه نامقابله بالملثنی حاضرلارکن لودویغ ژان اسمنده کی آلمان برلین جوارنده بریرده شارنورست ، فیخته ، روکر . . . ک اثرینی تمام ایدر جک بر (turnplatz) آجیدی و عصری سپوری یاراتدی . انکلترده ناپولیونه قارشییکی یاییلان حربک فرداسنده ، انکلیز کنجلیکی مدهش بر ایتدائیلکک آئنده اسیر بولونیوردی . بوکا قارشییکی عکس العمل اولقی اوزره راهب کینفسله ی بر تشکیلات وجوده کتیردی ، کندیسنی برچوق متشبثلر تعقیب ایتدی . نهایت ۱۸۲۸-۱۸۴۲ تاریخلری آراسنده برقولله ژ مدیری اولان طوماس آرنولد ، سپورتیف ذهنیتی انکلترده ده قطعی صورتده تأسیس ایلدی و بوندن صوکر ا سپور ، قاراقته رستیک صفتلرینی ، دها زیاده بوراده اکتساب ایتدی . بو صورتله آلمانلر ، انکلیزلر ، آمریقانلر و فرانسزلرک آئنده مختلف سجه لر آلدی . محرر مقاله سنک صوکنده آرتق سیورک جمعیتده معین برزمهریه خاص اولسی موضوع بحث اولامیه جقتی ، نوع بشرک حدودسز بر ملکه ایله سپور احتراصلرینه طوتلیدیغنی قید ایدیور و برآن اول حربدن صوکر ا کی بویوک بحراندن چیقمه چالیشمازسه سیورک ایر کچ پولتیقه جیلر آئنده دها زیاده آلت اولاجقتی و کندیسندن بکلدیکنمز خیرکار رولی اویسابه مایاجقتی سویله میور .

لاره دروئویره ماده . - صوک نسخه سنده

أمیل بلانشک هالو حقنده خاطره لرینی وکنجلیکنک عالمینی آکلتمان یازیسندن صوکر ا آنتوانک (اوده تونه عائد خاطره لر و آنتوان تیاریوسی) ، « ژان مارکس » ک